

Dub. 1839. 21

DISSERTATIO

INAUGURALIS MEDICA

DE

EMPHYSEMATIBUS,

QUAM

CONSENSU ET AUCTORITATE

ILLUSTRISSIMI AC MAGNIFICI

DOMINI

PRAESIDIS ET DIRECTORIS,

CLARISSIMORUM AC CELEBERRIMORUM

DD. PROFESSORUM

PRO

Doctoris Medicinae et Chirurgiae Laurea,

RITE OBTINENDA IN CELEBERRIMA

ACADEMIA JOSEPHINA

PUBLICAE DISQUISITIONI

SUBMITTIT

Georgius Toronylay,

Illyricus Tergestinus.

In theses adnexas disputabitur in Aedibus Academiae Josephinae
die Mensis Februarii anni 1839.

VINDOBONAE.

TYPIS CAROLI UEBERREUTER.

K. u. k. Militär-ärztliche Bibliothek

Standort	Zimmer		Katalog	Abth.	
	Kasten			Gruppe	
	L. Nr.			Nr.	

PATRI OPTIMO

gratus filius.

Proœmium.

Corpus animale, non tantum solidis et fluidis sed etiam aëriformibus coalescit principiis. Declinans unum alterumve existis a debita via morbus erit. Solida et fluida morbose peccantia praeteriens, morbos ex aëribus originem ducentes, mihi in his pagellis conscribere proposui.

Ut humana oeconomia optime ad normam persistat, sane requiritur, ut quantitas et qualitas aërum in corpore evolutorum, et eorum, qui ab extrinsecus hauriuntur, ad normam sint constituti. Deflexio ergo quantitatis vel qualitatis ad morbos ducit, eadem ratione ac qualitative vel quantitative solidorum et fluidorum

VI

deflexiones. Sed qualitas aërum in corpore reclusorum per artem humanam pervestigari nequit, quantitas nonnisi per excessum sub sensus cadit; ideo tantum de morbis ex aërum collectione morbosa, scilicet de intumescentiis flatuosis sermo esse potest.



D e f i n i t i o .

Emphysema (εμφύσημα) a voce graeca φυσω inflo, dicitur intumescencia elastica, tensa, quam inducit aër in corpore morbose collectus, sive ab extus procedat, sive in ipsius corporis penetralibus evolutus sit. Apud alios uti eximium Frank, pneumatoseos nomine venit. Aliis autem pneumatosis collectio aërum in abdomine est. Omissis ergo ceteris, intumescencias aëreas generico nomine Emphysemata dicam, secundum praeclarissimum Hild en b r a n d.

D i v i s i o .

Emphysema modo partem aliquam tantum occupat, modo universum corpus tumidum et elasticum reddit. Est ergo Emphysema vel universale, vel partiale. Nulla poro organismi humani est pars, in qua aërum morbosa collectio contingere non possit, et animadversa non fuerit. In cavo cranii, in viis respiratoriis, in organis digestionis, in caveis genito - urinariis, membranarum serosarum: arachnoideae, pleurae, pericardii, perito-

nei, tunicae vaginalis; in oculo, in thymo, in glandula thyroidea, in vasis tam sanguineis quam lymphaticis, in ipso corde, inter parietes abdominales, inter tendines, sub periosteo, in cavo ipso ossium interno, et frequentissime in textu celluloso **Emphysema** viderunt medici.

Nomina diversa, a varia sede **Emphysemata** gerunt, sed non omnes **Emphysematis** species, proprio nomine distinguuntur; pleraeque indicantur nomine generico **Emphysematis**, addito illo sedis.

Singulari aliquot tantum denominatione **Emphysemata** capitis et pectoris notata sunt. **Pneumato-arachnoides** vocatur aëris collectio in membrana serosa arachnoides; quae **Emphysematis** species etiam **apoplexia flatulenta** nominatur. **Pneumato-thorax**, si aër inter pleuras coacervatur; si in pericardio **pneumato-pericardia**. Nullum vero aliud **Emphysema** tot distinctum est nominibus, quam illud in abdomine occurrens: **Tympanitis**, **pneumatosis**, **meteorismus**, **enterophyse**, **flatulentia**, **hydrops siccus**, quasi tot synonymi habentur. Imo tot hisce non contenti medici, peculiare adhuc subdivisiones posuere pro ipsa parte abdominis aëribus distenta. Hinc **tympania stomachalis**, **intestinalis**, **peritonealis**, **vesicalis**, **uterina (physometra)**, **vaginalis**, **pneumatokele** in usum fuere, prouti vel in ventre, in intestinis, in

cavo peritonei, vesicae, uteri, vel in vagina, in tunica vaginali testium morbosa gas elastici collectio est. Expansio abdominis quae oritur in febris meteorismus, in chronicis morbis tympanitis dicitur. Analogum quidem morbum colica flatulenta sistit, quae vero plerumque minori ventris expansione, doloribus intestinorum gravioribus, ac universim decursu breviori distinguitur.

Ipse strepitus, quem aër in tympanitide (Emphysemate sane omnium frequentissimo) per vias varias prorumpens inducit, propriis signatus est nominibus. Eurexis, ructus si aër morbosus per os emittitur cum strepitu; koelopsophia si per anum. Cholera sicca, si per utrumque hiatum (Hippocrates), aidoiopsophia si per vaginam eructatur (Sauvages).

Medico practico autem omnes hae distinctiones parvi sunt momenti, cum una plerumque species, multifarias indoles gerere possit. Qua de re omnium utilissima distinctio in praxi est illa, quae innititur diversis Emphysematis causis. Quaevis ergo Emphysematis species pro varia sede statuta est distinguenda, prouti vel ex causa mechanica, vel chemica, vel dynamica inducitur, quo facto, non modo nosogenia, sed etiam rationalis therapia et prognosis comperte elucescunt.

Diagnosis.

Diversissima quidem sunt secundum morbi sedem et naturam Symptomata, quae Emphysemata comitantur. Generalia tamen essent :

Intumescencia tensa, elastica, sub manu crepitans, vel sub percussione resonans, tympani percussi adinstar. Specialia sunt:

I. Emphysema subcutaneum, tumorem cuti concolorem, tensum, elasticum, sub pressione crepitantem, post vero nullam faveolam retinentem ostendit. Haec species cum seri aut sanguinis effusione in textu cellulari confundi potest. Sed ab hydrope, utut etiam in hac morbosa conditione tumor sit cuti concolor, levis et indolens, facile distinguitur ex eo, quod in parte hydropica compressio tentata faveolam relinquit lente evanituram, nullusque persentitur crepitus, dum in Emphysemate nulla faveola persistit, et crepitat aër, si pressione in alias textus cellularis cellulas permeare cogatur. A sanguinis effusione ex eo distinguitur, quod tumor in ista celerius evolvatur, sub pressione aliquis quidem persentitur strepitus, sed levissimus, praeterea levis distinguitur fluctuatio, color cutis vel rubet vel nigricans est, vel etiam temporis successu, in atro - flavescens vergit. No-

tandum tamen est, quod in aliquibus casibus, praesertim si unasilul Emphysema et Ecchymosis fuerit inducta, diagnosis valde difficilis sit.

II. Morbosa aëris collectio in membranis cerebri, Pneumato-Kephalon, parum nota est. Symptomata quibus occurrit nulla alia nisi illa apoplexiae esse possunt. Quaevis enim morbosa collectio in cavo cranii cerebrum comprimit, functionesque cerebrales inhibet atque suspendit. Pneumato-Kephalon hinc potius Apoplexia flatulenta est dicendum, quod jam a Cullenio factum est.

Casus hujus Emphysematis enarrantur a Morgagni; Fienus pneumato-arachnoïdem descripsit etc. Ceterum non est praetervidendum, diagnosim apoplexiae flatulentae tantis premi difficultatibus, ut ante cranii aperitionem non dignosci possit.

III. Quamprimum vel ex pulmone effunditur in cavis pectoris, vel ab extus intrat aër atmosphericus, vel sub morbosa conditione partium extricantur aëres, horribilis exurgit ille morbus pneumato-thorax, vel pneumo-thorax nominatus.

a) Ut plurimum soluta partium continuitate emphysemati subcutaneo complicari solet, et diagnosis tunc clarior est. Consentientibus nempe chirurgiae institutoribus, vulnera parva et oblique pulmones per-

forantia, tali scilicet ratione, ut vulnus externum interno non respondeat, vel costarum fracturae in quibus frustula ossea in textum pulmonalem infiguntur, hoc emphysema inducunt. Symptomatum seriem tunc habes sequentem: Dolor urget dirissimus pectoris, inflatio, quae ex loco fracturae incipit, extenditur pedetentim reliquo thoraci, collo, faciei, in qua palpebrae praesertim tumescunt, et interdum ita, ut oculus quasi dispareat; abdomen inde externum, scrotum, coxae, crura elastice tument. Aëris undique prorumpentis infantem vim effugiunt vola manus, plantae pedum et linea alba. Sunt hic locorum textus cellularis tam adstrictae laminae, ut distendi non possunt. Quavis sub inspiratione elasticus crescit tumor, cutis vehementer inflatur et distenditur. Dyspnoea pari gressu adaugetur; aeger inspirare amplius non valet, nisi erecto sedeat corpore, vel antrorsum etiam propendat. Rubet visus sub interrupta respiratione, sistitur ipse pulsus, frigescent extrema, et aeger aëre plenus, aëris defectu suffocatur, nisi praesto medicae sint suppetiae.

Difficultas respirii, singultus frequens, suffocationis periculum, dolor plus minusve acutus in regione hypogastrica, sonus crepitans sub pressione, qui illi accedit, quem dat sicca vesica aëre distenta, pe-

detentim compressa; ecchymosis profunda in infima et laterali dorsi parte, ad lumbos, sunt totidem signa, quae praesentiam gas elastici in tēxtu cellulari subcutaneo indicant, stante pneumato-thorace.

b) In pneumo-thorace stricte tali, ubi aër inter pleuras exstat, quin vulnus externum pectoris, aut manifesta viarum respirationis rupturu animadversa sit, vel suspicari possit, **Diagnosis** perquam difficilis est. **Observationes** plurium optimorum medicorum **Litre, Portalii, Selle, Bartholinii** non tam infrequentem esse adparitionem docent, isti tamen pneumato-thoracem non pro morbo essentiali, uti **Laennec** aliquoties esse contendit, sed potius pro symptomatico pleuritidum chronicarum, vel effusionum serosarum, puriformium, vel vomicarum etc. habent.

Sed sive symptomaticum, sive essentialē sit hoc phaenomenon, semper periculi est plenum, studendum itaque, ut dignoscatur et per quantum ars valet cūretur. **Symptomata** generalia ex caloris, circulationis et respirationis laesione, ex adspectu aegri etc. rem explanare non valent, cum talia sint ac illis in casibus, sub quibus pulmo alia de causa obrutus et infirmus esse solet. Aliquid itaque lucis haurire conemur oportet per varias pectoris explorandi methodos: **Visus** incerta tradit in maximo pneumato-thorace,

nihil in minori. Extus enim spatia intercostalia, latusque pectoris affectum elata tantum videntur submaxima aërum in cavo thoracis collectione; sed pro incerto sit tibi criterium cum ex pluribus conditionibus hoc produci potest phaenomenon.

Percussio thoracis ab experta manu optimum sane est auxilium, pro detegendis variis pulmonum et cordis morbis. Sic in pneumato - thorace ad maximum evecto culmen haec methodus juvat; resonat enim pectus, elastico repletus gase, et quidem eo magis, quo minus solida vel fluida ibi dominantur. Si pectus percutiatur variis in locis, et corpore aegri erecto tutius haberi potest iudicium. Fluida morbose collecta, si qua sunt, gravitatis lege inferiora thoracis petunt loca, eruntque superiora summe resonantia. Aliam non spernendam quidem methodum *Bichat* proposuit, scilicet pressionem abdominalem, hac fit, ut aëres vel aquae pulmones inundantes gravissima incommoda praestent, si diaphragma, a visceribus per compressionem abdominalem sursum pulsus, in cavum pectoris elevetur. Multum lucrabitur diagnosis si in usum vocentur et pectoris percussio, et abdominis compressio; ea, quae utraque docebit methodus, comparata aliquid lucis reddere valent, in re sane obscura.

Recentioribus temporibus Laennecus auscultationem mediatam ope instrumenti (Sthetoscopii) proposuit, ad dignoscendas diversissimas pectoris infirmitates. Aures vero immediate pectori applicatas, aliquid de internis medicos docere posse, jam cana novit antiquitas. Haec methodus, secundum ejus auctore omnia depellit dubia, quae aliae relinquunt methodi. Etsi vero non tantum praestare potest, tamen grati in acceptis, Laennecum debemus referre novas observationes in pneumatosibus pectoris.

In peremptis a catarrho chronico et tussi convulsiva vidit quandoque bronchia abnormiter aëribus distenta, et ultimas divisiones in pulmonum substantia tam latas inde factas, ut harum aliquae integram capere potuissent amygdalam. Haec vitia Sthetoscopio posse detegi ipse contendit, sed horum diagnosis quavis sub methodo quantum difficilis sit, nemo non videt.

Proposuit porro pectoris percussione una cum sthetoscopii adplicatione conjuncta; sub prima clarior est sonitus in parte ubi gas elastici morbosa est collectio quam in parte sana, altera deficientiam respirationis pectoralis ostendit. Attentus advertite ne sanam pro aegra dijudices partem, ex eo, quod clarior et vividior sit sonitus in una prae alia parte; ea enim ratione, qua gas elastici in uno latere increscit collec-

tio, percussio vacuitatem majorem pronuntiat; latus sanum majorem fluidorum non elasticorum gerens copiam resonitum minorem referre debet. Praeterea pars pneumato - thorace laborans majorem thoracis elationem et minorem mobilitatem ostendit, sed hoc criterium aliis etiam adfectis commune, per se nil valet, aliquid vero cum methodo percussionis, et mediate auscultationis.

Fere eadem sunt signa Emphysematis pulmonum ac pneumo - thoracis, praeter quod in hoc aërum evolutio lente contingat, et vita non in imminente sit periculo, ut in pneumato - thorace.

IV. Aërem in pericardii cava collectum vidisse Morgagni, Winslov et plures alii anatomiae pathologicae cultores referunt, hanc infirmitatem pneumatopericardiam nominantes. Summis illis referentibus viris procedebat vel ex vulnere pericardii, et pulmonum una simul inflicto, vel parietum thoracis et pericardii, vel demum ex morbo quodam dinamico-chemico processu liquidorum pericardii. Sed quovis in casu diagnosis vix institui potest, imo aërum praesentia in pericardii cava, vita perstante vix suspicari potest. Certum quidem est dyspnoeam majorem vel minorem esse enaturam pro majori vel minori pericardii expansione, fors etiam motus cordis a normali deflectent tra-

mite, sed haec cum ex tot aliis causis progigni possint, parum pro diagnosi praestabunt. Frequentissime hoc phaenomenon symptoma alius sistit morbi, ideoque eo difficilius dignoscetur, signis quae essentialem pathologicam conditionem indicant, carentibus. Eadem fere ratione in Emphysemate cordis et vasorum se habet res, ut de his mentionem tantum facere sufficiat.

V. Frequentissime morbosi aëres abdominis invadunt provinciam, eorumque collectiones meteorismus, tympanitis, emphysema abdominale etc. vocantur. Hac sub morbosa conditione abdomen uniformiter tumet, tensa culis valde levis et lucens est, quin ejus color immutetur, hypochondria prae aliis tument regionibus; sub pressione elasticus persentitur renisus, et percussione elicitur sonus illi tympani percussi non multum absimilis. Dolores quandoque evolvuntur in ventre praesertim sub attactu, quandoque vero attactum patitur indolens. Anxius fit aeger increcente aërum collectione tam ob mechanicum functionum abdominalium et respirationis obstaculum, quam ob dolorem partium vi distentarum. Quae sane anxietas augetur etiam ex eo, quod commo-
diores positus omnino impediuntur, nam aegro alius non conceditur decubitus praeter supinum. Sub tali ventris distentione viscerum abdominalium statum medica manus explorare haud potest. Haec phaenomena congruunt pro

parte cum illis ascitidis. Communia sunt etiam utrique tussis sicca, lassitudo inconsueta, suspirium et singultus frequens, cordis palpitatio, sensus oppressionis circa praecordia, dyspnoea, vomitus cum alvi obstipatione, vertigo, animi deliquium. Ascites tamen facile distinguitur a tympanitide, si abdomen percutiatur; non resonat venter, et laticis effusi undulatio manifeste persentitur. Praeterea borborigmi, ructus et flatus non sunt, vel saltem nullo levamine secedunt.

Varia est sedes, quam occupat elasticum gas in abdomine. In duodeno frequentissime colligitur, frequentius etiam in intestinis tenuibus, quam in ventre et intestinis crassis, cum ex his facilius vel per os vel per anum erumpere valeat. Alias emphysema fit intra peritoneum, ut cadavera dissecta quamplura ostendunt, in quibus primus adaperitus abdominis paries in auras, inciso peritoneo, ingentem gas copiam avolare sinit, flarescit illico abdomen jam tumidum, et intestina, quae valde expansa reperiri credebatur, contracta magis, quam in sueto est, sub oculos cadunt. Etiam in ipsa vesica urinaria tympania obtinuit. Si audis Frank, Sauvages, Chaldera, Hoffmanum, aërem ex vesica per urethram emitti, sub mictu, sub ventris pressione observatum est, nullumque ideo superesse potest dubium de emphysemate vesicali.

VI. Nec minus uterus aëribus morborum locum concedit. Hic, qui physometra, tympanitis uterina, mola aërea dicitur morbus, magis in nuptis quam in virginibus est, monente eximio Frank. Duae potiores habentur species, vel reapse interclusus est aër, et vera uteri tympania adest, vel aër ex utero prorumpere potest, et flatus uterini habentur. Primo in casu interdum phaenomena talia, praeter uteri et ventris volumen auctum, sunt qualia in primis graviditatis mensibus adnotantur a medicis; non ignorantur casus in quibus aërum sonora ex utero explosio, flagrantem proliis spem rationalibus graviditatis signis innixam in sterilibus elusit. Praeter symptomata generalia, nempe tumorem elasticum regionis hypogastricae, resonantem sub percussione, adnotantur in tympanitide uterina ardor, dolor rodens et pungens ad vaginam, atque ad regionem inquinalem usque protensus, quibus interdum accedunt sitis, horripilationes, febricula ad vespertas exacerbanda, atque anxietas.

Hoc adhuc adnotandum est, quod quamquam diagnosis pneumatoseos abdominis generatim facilius eruenda sit, attamen non desint difficultates, ibi praesertim, ubi vera sedes emphysematis sit declaranda. Imo sub quibusdam circumstantiis hoc emphysema cum ascite confundi potest, et vicissim, ea prorsus ra-

tione, qua emphysema subcutaneum cum ecchymosis, et pneumo - thorax cum hydro thorace commutata sunt.

VII. Pneumato - kele est tumor ex aëribus in scroto vel in regione inguinali collectis, quod veteres herniam flatulentam vel falsam dicebant. Plures sunt species, prouti vel in textu cellulari scroti, vel inter pagellas tunicae vaginalis testis, vel in intestino vel in sacco herniae scrotalis, est gas morborum collectio.

Signa diagnostica pneumato - keles ex aëre collecto in textu cellulari sunt: tumor adeo levis, ut pondus multo minus, quam volumen referre deberet, examinanti referat, velementa tumoris summe sunt extensa, et percussa manifestum dant sonitum. Deest omnis fluctuatio; aër pressus lente permeat superiora versus. Demum scarificationes superficiales aëris majorem vel minorem copiam educunt. Ad diagnosim confert etiam cognitio morborum coexistentium vel praesistentium, et rationis, qua tumor est evolutus.

Parum sane dignoscitur Pneumato - kele ex aëre intra tunicam vaginalem collecto, et facili re confundi potest cum hydrokele, utrique enim eadem est sedes, et forma. Adverte tamen ponderi multo minori, sonitui longe differenti sub percussione, et discrimen patebit utrumque inter scroti tumorem. Distinguitur pneumato - kele textus cellularis ab illo vaginalis ex eo,

quod in ultimo integumenta sunt multo minus tensa, tumor est magis circumscriptus, et demum non leves scarificationes, sed sola tumoris punctura aëri dat exitum.

In herniis incarceratis evolvitur quandoque ingens aërum copia in intestino vincto. Haec pneumatoketes species distinguitur ratione evolutionis morbi, symptomatibus herniae constrictae propriis, et murmuribus tumoris hinc inde illis abdominis respondentibus.

Praeterea in oculo, in thyroidea, in thymo, in oesophago, in ossium cavitate medulari, sub periosteo, in vasis lymphaticis, in ipsa organorum structura aëres evolvuntur, sed hae emphysematis species tam raras sunt, et nullis propriis distinctae symptomatibus, ut de earum diagnosi nihil sit proferendum.

Momenta causalia.

Cuncta tam ex parte dispositionis, quam mundi externi propululantia momenta, quae vel in organismi penetralibus aërum evolutionem sollicitant, vel introitum immediate vel mediate in corpus aperiunt, emphysematibus in genere favent.

I. Causae proëgumenaë.

Permeabilitas corporis humani, et partium expansibilitas primum momentum disponens ponunt pro em-

physematibus. Alterum et majus momentum habemus in processu vegetationis ratione: elementa quae apponi organismo, illa quae auferri et expelli ex organismo debent, in subtilissimam omnium materiei formam rapiuntur, quam inde vel pro tempore retinent, vel illico in fluidam commutant, et demum etiam in solidam, quo facto iterum per novas metamorphoses in aëriformem redeunt. Evolvuntur gas elastica ex superficie cutis, ex membranis mucosis, evolvuntur in magnis corporis cavis, evolvuntur in textu cellulari et organorum structura, evolvuntur uno verbo ubique sit vita. Cum itaque omnis vitae processus aërum evolutione et immutationi sit conjunctus, patet ex hoc fonte dispositio in emphysemata cujusvis organismi partis.

Tertium momentum ad morbos pneumaticos disponens reperitur in continua hominis cum aëre atmospherico externo intima relatione, in circumambiente aëre movetur, agit, vivit; imo ex aëre vitam haurit, estque aër hominis primum pabulum, perreptat aër quemvis et minimum corporis hiatum, et continuo nititur in corporis penetrationem. Adsimilatur per pulmones, per cutim, adsimilatur cum cibis per processum digestionis, adsimilatur a lymphaticis per processum inhalationis. Patet itaque quantam aër atmosphericus dispositionem ponere debeat pro morbis flatulentis.

Dispositio in morbos flatulentos ea ratione incrementum vel decrescit, qua momenta haec disponantur in uno, alioque corporis puncto plus minusve dominantur. Hinc majorem habebis in textu cellulari subcutaneo, praesertim scroti et palpebrarum dispositionem, quam in ossibus, in cartilaginibus, ob minorem permeabilitatem. Majorem in fistula gastro-enterica, ubi vegetationis processus luculentiores substantiis nutritiis metamorphoses conciliat, quam in vasis, ubi multo minus fluida in circulum vecta immutantur. Majorem in cavis cum aëre externo communicantibus, pectoris, ventriculi, intestinorum, uteri, quam in illis, quae in corporis latebris latent, ut cavum cranii, pleurarum, pericardii, articularum etc. Sed praecipua haec momenta nullum sane exhibebunt effectum, nisi accedant causae excitantes.

II. Causae procatarticae.

Excitant autem morbum hunc, cuncta quae in genere modo organismum feriunt, tot tantaeque sunt, ut vix enumerari queant conditiones, quae morbos ex aëribus inducunt. Ut aliquo tamen ordine et limite perscribantur: in mechanicas, chemicas et dynamicas eas dispescere lubet.

a. Inprimis vulnera, contusiones, fracturae, vitia organica interna, aëris artificialis inflatio, inter mo-

menta mechanica occurrunt. Vulnera in pectus penetrantia et contusiones, quae pulmones disrumpunt, costarum fracturae, rupturae pulmonum per tussim violentam, per nisum in partu difficili, laryngis, tracheae interna laesio frequentissime sunt causae pneumato-thoracis, et pneumatoseos universalis. Vulnera in cavo axillae textus cellularis non infrequens emphysema partiale cient, sub brachii motu mechanice intruditur in axillae cavea aër, ex quo inde emphysema; vincula herniarum, polypi, pseudomembranae intestinorum, constrictiones eorumdem, volvolus, faeces induratae sub alvo obstipa, compressiones intestinorum per viscerum vicinorum intumescencias, uterus gravidus, vermes multi in unum conglomerati, fistulae, scissurae et vulnera intestinorum, unde per laesas intestinorum vel ventriculi membranas aër effugit in vesicam, in uterum, in vaginam, in urethram. Demum artificialis aëris injectio. In clysmatum applicatione, ubi syringa malo embolo instructa sit, vel ab inexperto adplicentur, causa haberi potest emphysematis intestinalis mechanica. Nec est praetereunda proprietas hominum nonnullorum, qui ad libitum deglutiunt magnam aëris copiam; mechanice tunc stomachus aëre distenditur.

Sunt etiam, qui improba simulatione perducti ad movendam hominum misericordiam, infantom cutim re-

tro aures incidunt, aëremque immisso inflant, unde tumor hydrokephalon mentiens efformetur, vel deformitates in alus cient partibus.

b. Inveniuntur causae chemicae vel ex immutationibus chemicis, quas patiuntur substantiae externae in organismum animale introductae, vel in iis, quas subeunt ipsi organismi humores secreti inquilini vel excrementitii. Cibi mucidi, tenaces legumina, pisi, fabae, lentes, pulmenta, pisces marini, carnes salitae, farcimina, caro ovilla, suilla, ferarum, corruptioni proxime substantiae, vel in fermentationem pronae, potus acido carbonico divites, liquores cremati, magnam eructant aërum sub digestionem copiam. Ipsi nostri humores, si vitae influxui minus evadant subjecti, vel morbosa quantitate aut qualitate peccent, illico chemicas metamorphoses subeunt, et aëres extricant foetidos atque copiosos diversae indolis et compositae, concurrentibus praesertim gas acido carbonico, gas hydrogenio, et gas hydrothionico etc. quae calor in ingens expandere valet volumen, quaeque pro varia quâ colliguntur sede, varias emphysematis species producunt.

c. Nec minorem causarum dynamicarum datur copiam, sive enim vitae energia intendatur, sive infringatur, uberius semper patet fons pneumatoseos. In in-

flamationibus, in apyrexiiis, in nevrosibus, in conditionibus hystericis, hypochondriacis, febris nervosa, in partium laxitate, conditione putrida, gangraena, sphacelo frequentissima est pneumatosis. Praeterea ex haemorrhoidum, vel menstruorum suppressione, diarrhoea diuturna, drasticorum et veneris abusu, ex spasmodica intestinorum contractione, unde liber exitus denegatur elastico gase, sive extricato a contentis intestinorum, copioso praesertim hydrogenio scatentibus, sive ob pravam ac proprie morbosam tunicarum intestinalium secretionem uberius subministrato, praecipue in relaxationis stadio etc. emphysemata mox universalialia, frequentius vero partialia inducuntur.

P r o g n o s i s.

Qualibet sub conditione pathologica, qualibet ex causa existat Emphysema, ejus proxima causa sistit semper in morbosa aëris collectione, sed cognitio haec parum nos docet, tam pro therapia quam pro futuro praedicendo eventu. Proccedit enim haec a tam diversis causis, noxas producit tam diversas, ut mox gravissimus evadat morbus, mox tam levis, ut vix quidem dici possit morbus. Vel leve vel grave sit emphysema vix non semper alius est morbi effectus. Idcirco non ab emphysemate, sed a morbo principe et progno-

sis et therapia dirigitur, licet pro varia hujus symptomatis specie intensitateque et prognosis varia sit sistenda. Qui omnia hucusque dicta in mentem revocaverit, comperte videbit, relate ad prognosim nullum esse generale praeceptum in emphysemate. Sedes, causa, intensitas morbi prima sunt in prognosi momenta sedulo studenda, praeter generalissima illa, quae prognosim, quovis in morbo dirigunt, quaeque prudentem medicum singulari in casu dirigunt, atque edocent.

T h e r a p i a .

Indicationes sub Emphysematum tractatione in eum nituntur, 1. ut causa amoveatur; causa vero remota, vel non removenda, 2. ut aër morbosus e propria eliminetur sede; hoc vero non concesso, 3. ut aër saltem in minus redigatur volumen, et nimia praepediatur partium distensio.

Quoad primum pro diversa causa diversa est instituenda emphysematum therapia; hinc mox utiles et necessariae erunt sanguinis eductiones generales vel locales, remedia antiphlogistica, emollientia, temperantia, refrigerantia, mox vero roborantia, stimulantia volatilia et fixa, mox emetica, purgantia, et reliqua evacuantia, mox e converso adstringentia, nervi-

na, antispasmodica, antiseptica. *Diaetae regimen casui semper adcommodandum.*

Quod pertinet ad secundum, via per quam morborum aëres eliminantur e sede, quam tenent, est vel naturalis vel artificialis. Naturalis in partibus, quae cum mundo externo directum non tenent commercium, reperitur in vasibus lymphaticis. Partes vero, quae hiatus gerunt, quibus cum externo communicant, duplicem habent naturalem viam vasa lymphatica et naturalia foramina. Via quam ars praestat vel scarificationibus vel acu punctura efformatur.

Plures observationes nos edocuerunt aëreos tumores per beneficium lymphaticorum munus perfecte esse resolutos; eorum itaque actio aptis pharmacis sollicitanda, si fieri potest pro emphysematis sanatione. In emphysematibus subcutaneis commendantur pro incitanda lymphaticorum actione frictiones siccae cum flanela lanea, vaporibus aromaticis imbuta, rubefacientia, vesicantia, cucurbitae siccae, modicum corporis exercitium, partis modica et regularis per fascias compressio. Via vero artificialis aëri sternitur cum cutis per lanceolam incisionibus, quam si sponte non petat aër, modica pressione extus cogitur. Omissis ceteris, diversorum emphysematis specierum operationibus, cum suis bonis et noxis in chirurgicis libris sat pertractatis, memorari li-

ceat, quod quousque spes sanationis securiore via obtinendae adsit, nemo sane mentis vitam aegri periclitabitur operationis genere infido, summeque periculoso.

Quod ad tertiam spectat indicationem alia pro emphysemate generatim referri non possunt praeter fomentationes frigidas et compressiones per fascias. Fomentationes calidae quavis sub conditione emphysematis nocent; calor enim maxime expandit aërem collectum, quo facto omnia emphysematis incommoda augentur. Pro emphysemate intestinorum proponi merentur remedia, quae deglutita, atque ad intestina delata absorberent gas in cavum intestinorum morbose evolutum. Omnia denique sunt vitanda alimenta et potulenta, quae sub digestionem majorem aërum evolvunt copiam.



Theses defendendae.

I.

Cataractae operandi modum tutissimum ad restituendum visum, sistit extractio.

II.

Lactatio matris conservat sanitatem.

III.

Sanguinis missio nunquam est absolute localis.

IV.

Omne medicamentum stimulando agit.

V.

Princeps vitae pabulum aër est atmosphericus.

VI.

Fides in medicum multum confert ad aegri sanationem.

VII.

Datur morborum complurium per solius vitae vires sanatio.

VIII.

In exanthematibus regulariter decurrentibus, regimen et diaeta congrua medicamina superflua reddunt.

IX.

Medicus infantes curans fortunatum se reputet, si medicamen conveniens acu tetigit, diagnosis enim morborum perquam difficilis.

X.

Ars nunquam per se sanat morbum.

XI.

Quousque hydrargiri usus instituendus sit, difficile est determinandum.



